



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola VI. Gregorii Papae I. Ad Neapolitanos. De eligendo Paulo episcopo.

**urn:nbn:de:hbz:466:1-15221**

nostrum iudicium flagitent, vt subleuati de minimis, in causis maioribus efficacius occupemur. Quas videlicet vi-  
ces non loco, sed persona tribuimus: quia ex transacta in  
te vita didicimus, quid etiam de subsequenti tua conuer-  
satione præsumamus.

*Mense Decembri, indictione decima.*

EPISTOLA V.

GREGORII PAPÆ I.

AD CANDIDVM EPISCOPVM DE VRBE VETERI.

Ægrotis quæ ab ecclesia consueta percepérunt  
neganda non esse.

*Gregorius Candido episcopo de Urbe veteri.*

**C**VM percussio corporalis imminet, vtrum pro purga-  
tione, an pro vindicta contingat, Dei in hoc iudicium  
ignoratur: & ideo non debet a nobis addi flagellatis affli-  
ctio, ne nos culpæ, quod absit, offensa respiciat. Et quia  
præsentium lator Calumniosus pro hac percussione quam  
sustinet consueta sibi commoda ab ecclesia vestra asserit  
negari, idcirco fraternitatem tuam præsentibus hortamur  
epistolis, quatenus nihil eum ad percipienda quæ consueta  
sunt hæc ægritudo debeat impedire: quia diuersis in eccle-  
sia militantibus, varia, sicut nosti, sæpe cōtingit infirmitas.  
Et si hoc fuerint exemplo deterriti, nullus de cetero qui  
ecclesiæ militet poterit inueniri: sed secundū loci eius or-  
dinem quæque ei, si sanus esset, poterant ministrari, de ipsa  
exiguitate, quæ ecclesiæ potest accedere, fraternitas tua di-  
uini contemplatione iudicii ægrotanti præbere non des-  
nat, quatenus in huius rei administratione ad eleemosynā  
potius videaris quæ sunt consueta exoluendo conuertere.

EPISTOLA VI.

GREGORII PAPÆ I.

AD NEAPOLITANOS.

Deeligendo Paulo episcopo.

*Gregorius ordini & plebi consumenti Neapoli.*

**Q**VALE de Paulo fratre & coepiscopo nostro habeat  
caritas vestra iudicium, directa a vobis relatio pa-

*Concil. Tom. 13.*

Hh ij

tefecit. Quem quoniam ita estis in paucis diebus experi-  
ti, vt eum cardinalē habere desideretis episcopum, gra-  
tulamur. Sed quia summis in rebus citum non oportet  
esse consilium, & nos quid fiendum sit, matura subin-  
de Christo adiuuante deliberatione disponimus, & vo-  
bis melius tractu temporis quamē se exhibeat, innote-  
scet. Ideoque, filii dilectissimi, prædicto viro, si eum ve-  
re diligitis, obedite, deuotisque ad eum mentibus occur-  
sione pacifica conuenite, quatenus ita vos ad alterutrum  
dilectio mutua caritatis astringat, vt inimicus sauiendo  
circumuolans in nullo viam nanciscatur ad vestram dis-  
sociandam vnanimitatem, qua subrepatur. Præfatum quo-  
que episcopum dum fructum animarum, quem deside-  
ramus Deo nostro, ipso quoque suffragante facere sen-  
serimus, quidquid post hæc de eius persona vestroque  
desiderio cordi nostro inspiratio diuina ministrauerit, fa-  
ciemus.

## EPISTOLA VII.

## GREGORII PAPÆ I.

AD PAVLVM EPISCOPVM NEAPOLITANVM  
De officio sacerdotali.

*Gregorius Paulo episcopo Neapolitano.*

**S**i sacerdotale quod suscepimus secure ministramus of-  
ficiū, & diuinum adiutorium, & dilectio nobis spiri-  
tualium aderit sine dubio filiorum. Propterea ita se frater-  
nitas tua in cunctis studeat exhibere, quatenus testimo-  
nium quod de ea Neapolitanæ ciuitatis clerus, nobilitas  
simul habet & populus, bonitatis tuae roboretur augmen-  
to. Sic ergo te in præfati populi adhortatione assidua debes  
occupatione constringere, vt verbi tui fructum, quem ex  
eis fueris operatus, in suis horreis diuinus condat agricola.  
Quousque vero de iis quæ a nobis prædicti filii nostri fiendae  
depositulant, reuelante Domino, deliberare possimus,  
clericos ex laicis ordinari, nec non & manumissiones apud  
te in eadem ecclesia solenniter celebrari concedimus.  
Confuetudines autem cleri suprascriptæ ecclesiæ & pre-  
sbyterorum te volumus sine cunctatione persoluere. In  
cuius etiam instructione ita diligenter inuigila, quatenus